

香港文匯報訊（記者 梁靜儀）炎明熹（Gigi）與姚焯菲、鍾柔美及詹天文所組成的女子組合After Class傳出面臨解散，近日忙於為首個個唱排練的Gigi稱解散亦唔會失望。另被爆身份證上真名由王佳恩改名為王熹熹？Gigi認改名並親自解釋原因，強調改名只是求心靈安慰，做事要靠努力。

◆炎明熹對自己要求嚴格。



◆炎明熹為個唱積極排舞。

親解改名之迷 強調做事要靠努力

炎明熹稱After Class 在心中有分量

◆炎明熹指改名只係起到心靈安慰作用。



炎明熹（Gigi）將於本月7日假九展舉行兩場《炎明熹 Gi-Force 演唱會》，近日都在積極排練的Gigi，昨日趁著假期不用上學，到將軍澳電視城跟一班舞蹈藝員進行排練，並透露個唱會挑戰十多分鐘的跳唱環節，她笑說：「我本身慢熱，但同一班Dancer一齊跳舞好開心，希望可以演出成功，今次係我人生跳唱最長時間嘅一次，辛苦但好享受，有响動作自己從來未試過，希望可以戰勝佢，平時可能見有人做過，做嘢自己身上發現原來要好長時間去練習，落好多苦功，所以真係好佩服佢。」Gigi又透露有部分動作會「OK危險」，幸好暫時未有受傷及甩漏。

個唱綵排未影響返學

大學開學後，Gigi要同時兼顧學業及事業，問到可會影響返學？她說：「逢星期四唔使返學，自己專門騰空呢日全日排舞，因為唔係排過好多次，（最難係跳舞？）唔係，係心理障礙，因為是次演唱會有唔同環節，好多歌一直都想挑戰，所以每一部分都有少少障礙，好似喺度過關咁，係一次幾好响體驗，加上時間緊迫，對自己要求嚴格，覺得自己仍未過關。」

不知After Class會否解散

問到屆時她會否與姚焯菲、鍾柔美（Yumi）及詹天文合唱

After Class的新團歌？Gigi卻一臉疑惑稱：「唔係幾知，（Yumi有意出國讀書，After Class因而面臨解散？）近日有聽過消息，但我仲未問佢。（解散可會感可惜？）亦都唔會失望，呢個係我哋一個好好嘅回憶，喺我哋心中有一個分量嘅度，無論以後佢係咪我哋4個嘅定其他成員嘅After Class，相信大家一樣會鍾意呢個組合。」

王佳恩常被寫錯王佳思

另外，被爆由王佳恩改名為王熹熹？Gigi承認於18歲時應家人要求找師傅改名，改名原因有兩個：「其實小學時期家人已想幫我改名，爸爸覺得『王佳恩』

個名太普遍，仲搵師傅幫我改咗幾個名，好似王伶芝、王奕希，不過，我唔鍾意，同理自細成日俾人寫錯個名做王佳思。（改名想令事業有更好發展？）有可能改咗個名就如日中天，改名只係起到心靈安慰作用，做任何事情也要靠自己努力。」

至於入行兩年多的Gigi，被爆年紀小小買樓？她反問：「點解知嘅，我都唔知道自己買咗邊度？都希望有朝一日買到樓，但仲未係時候，將來買到一個自己夢想嘅蝸居，咁就已經足夠，我唔視乎佢係好大定好細，我覺得屋企係一入門口就將成日嘅疲勞放鬆晒，係一個令你舒服嘅地方就OK。」不過Gigi就承認升中學後，已從油塘搬去將軍澳，跟丈丈姑媽住，並一再強調沒有買樓。



◆After Class近日傳出面臨解散。資料圖片

朱敏瀚自爆同周嘉洛打茄輪

張振朗遭賴慰玲寸虧到爆



◆振朗被賴慰玲激到發火，超好笑。

香港文匯報訊（記者 梁靜儀）旅遊節目《約理班Friend去旅行》，本周一至三晚播出最後三集，本周繼續是「反黑團友」篇，張振朗、賴慰玲（Winki）和朱敏瀚齊齊轉戰澳洲悉尼。昨晚（2日）播出的一集，三人率先乘坐離地270米的高空纜車體驗「堅離地」，穿上安全裝備的三人更走出纜車頂部欣賞美景。今集製作組一次過滿足了振朗和Winki的願望，振朗的願望是拍攝三人專屬MV，振朗化身導演指揮大家拍攝外，還會親身上陣剪片。Winki的願望則是乘坐水上飛機，換上正裝的三人乘坐水上飛機出發去高級餐廳用餐，吃飯期間來個Deep Talk，朱仔大嘆做藝人難以結識新朋友，被問到會否對同性有興趣時，竟九唔搭八自爆：「我拍《痞子2》時同咗周嘉洛打茄輪！」

今晚（3日）播出一集，三人出發到農場親親羊駝，自爆怕動物的Winki因猜輪包剪探要摸一隻愛吐口水的羊駝，Winki被他嚇到跌落地兼哭了出來。之後三人體驗坐馬車，振朗開問自爆買了不少保健品，Winki即寸爆他勁虧：「暈機浪、暈船浪、又暈車浪，騎馬就暈馬浪！」節目尾聲，三人攤在草地上睇日落分享經歷過的最浪漫時刻，感性的Winki說：「我聽過最浪漫嘅說話，就係臨結婚前，個女仔同男仔講：『你仲係我男朋友。』男仔就講：『你係我一世嘅情人。』之後我就嫁咗佢喇！」振朗則自爆試過一次過送兩紫花給女朋友，先送一紫女不喜愛的話，再送一紫女喜愛的花，製造心理落差惹女高興，惟不理解用意的Winki瘋狂亂亂歌柄，激到振朗發火，場面搞笑。

馮德倫做嘉賓諗足一個月 陳慧琳唱到聲沙淚灑舞台

香港文匯報訊（記者 子棠）陳慧琳（Kelly）邀得馮德倫（Stephen）為澳門演唱會擔任表演嘉賓，但原來Stephen考慮了一個月才答應；而Kelly在前晚尾場更被歌迷感動到淚灑舞台。Kelly的一連兩場《陳慧琳 Season 2 演唱會 澳門站》前晚落幕，而兩場演唱會除了得到家人越洋支持，還得到好友Stephen力撐擔任特別嘉賓。二人合唱過



◆Kelly預告明年有望在港開騷。

《北極雪》後，Stephen表示：「我唔單止好耐冇唱過呢隻歌，我仲要係好耐冇唱過歌。」Kelly即笑言：「聽得出！保持返20年前嗰個水準，都OK嘅；而且你Keep得很好，只要剃了鬚鬚，一樣有型，前一晚已經令男女都狂到爆。」穿上樽領的Stephen與穿上銀色高衩舞衣的Kelly有強烈對比，Stephen先稱讚Kelly，再打趣道：「你就保持返20年前一樣咁嘅樣，跳舞又有變過。不過原本我諗住配合《北極雪》的打扮，但就好像着多了，見到咁樣，我諗住除咗條褲，但費事啦！」Kelly笑說：「咁我係咪要着冷褲？」短得台下笑聲不斷；Stephen又特別為歌迷多送一首合唱歌《紀念日》。久別歌迷的Kelly亦分享了自己的內心世界，指出道之初獲高人指點指紅色旺她，當時就由宣傳照到出活動都是紅色裝束，結果紅足20多年：「其實我唔係好信呢啲嘢，但又會諗返起，如果當年唔係着紅色，今日又輪唔輪到我企喺呢個台呢？」台下即瘋狂叫喊Kelly的名字，熱烈的反應令Kelly忍不住哭起來，並說：「唔知仲可以企多幾年呢？呢啲都係唔好咁多喇，自然啲啦！」



◆陳慧琳笑言Stephen只「要剃了鬚鬚，一樣有型」。

其後Kelly演唱時，歌迷更湧到台前跟着起舞。Kelly為了這兩場演唱會出盡全力唱到聲沙，但也興奮地說：「終於放監食嘢喇！因為我啲歌衫真係多啲啲肉都唔得，我啲家可以盡情擦返餐飽。」談到台上感動落淚，Kelly表示沒有預計到的，因怕影響唱歌，但見到歌迷的支持忽然間有少少感觸。至於邀得Stephen做嘉賓，Kelly說：「其實我3個月前就已經搵佢做嘉賓，不過佢都考慮咗一個月至答應，因為佢太耐冇唱過歌，我就用我嘅誠意打動佢，話你鍾意唱邊首都得，我可以同你一齊唱，佢最後就話好啦！」Kelly續透露稍後會去美加、星馬等地巡演，香港應該明年年底。

譚輝智有比賽經驗照掃5燈 劉威煌獲讚夠氣 唔使食黨參

香港文匯報訊（記者 梁靜儀）歌唱真人騷《中年好声音2》，由車婉婉擔任主持，肥媽、伍仲衡、張佳添、周國豐、陳慧嫻擔任評審。前日（1日）播出一集是首回合盲選比賽最後一輪，60強名單正式出爐，首回合盲選總共誕生9名5燈選手，名單分別是周文馨、吳樂邨、劉可、陳俞霏、李浩森、古淖文、朱博文、譚輝智和劉威煌。由於獲得4、5燈的選手不夠60人，所以奪得3燈的選手能夠全數入圍，惟3、4、5燈的選手人數加起來同樣不夠60人，令奪得2燈的選手同樣有機會入圍，並由評審團席商議揀選最終入圍。

前晚一集首位5燈選手是38歲的譚輝智，報稱任職廣告設計的他獻唱《心碎了無痕》，出色表現為他贏得5燈佳績，他透露未有參加過任何歌唱比賽：「好想喺40歲前做一樣我未做過嘅事，亦想將呢個經驗送畀我兩個小朋友，畀佢哋知道爸爸突破過自己。」

陳寶雄與失散多年堂兄相認

第二位5燈選手則是第一屆《超級巨聲》參賽者，兼曾推出個人專輯的劉威煌，現於製作公司擔任策劃工作的他，獻唱《愛上一個不回家的人》，憑着深情演繹獲得5燈，伍仲衡笑言：「你唔使食黨參，夠晒氣，非常夠氣！」威煌坦言曾有一段時間沒有再做關於音樂的工作：「有段時間係有啲掙扎，覺得唱歌係一種壓力，覺得唱歌係要嚟搵食，搵唔到食就唔可

以唱歌。」肥媽鼓勵他說：「唔好離開一樣自己鍾意嘅嘢，你可以將唱歌視為副業或者興趣，唔好將自己鍾意嘅嘢拋低，你睇我哋Bill哥哥（吳大強）人哋幾多歲呀，你幾多歲呀？」威煌笑言：「啲家43歲，聽日44歲。」肥媽即時祝他生日快樂並說：「唱落去啦，唱到80歲啦！」

59歲的陳寶雄獻唱當年自己創作的劇集《天地豪情》主題曲《說天說地說空虛》，最終獲得3燈成績。曾於早前播出的《中年好声音2 100強大召集》亮相的寶雄，竟因而尋回失散多年的堂哥！婉婉在台上讀出崑哥的親筆信，令寶雄即時感動得眼濕濕！更大驚喜是，製作組安排了崑哥於錄影當日親臨現場為寶雄打氣，《中年》追夢舞台變成相認現場，失散多年的兩兄弟即時相擁而泣，場面感人。



◆劉威煌坦言曾感到唱歌是壓力。



◆譚輝智一鳴驚人。